

INUIT ATAQATIGIIT INATSISARTUNI



UKA2024/46

Juliane Enoksen

Tapersiissutitalimmik inissialiortiternermi taatsigassarsititsisarneq pillugu Inatsisartut inatsisaata allanngortinnissaa pillugu Inatsisartut inatsisaat

Inissiap tapiiffigineqarnikup, aningaasarsiorfinngortinnginnissaanik aaqqiissuteqarneq.

(Ineqarnermut attaveqaasersuutinullu Naalakkersuisoq)

Inuit Ataqatigiit Ineqarnermut Attaveqaasersuinernullu Naalakkersuisoq, atuisarnerup erseqqissaaffiginnissamik saqqummiusnaanut qujavugut.

Inuit Ataqatigiit pingaartitaraarput, kikkut tamarmik ineqarnissaat. Inigisarlu ilaqtariittut toqqissisimaffigalugu angerlarsimaffittut atorpeqartarnera innuttaasunut isumalerujussuuvoq.

Angerlarsimaffiup toqqammavilertarmagu, toqqissilluni sulisinnaanissaq. Tamannaavorlu ilaqtariit peqqinnartumik inuunerannut sunniuteqarluartartoq.

Inissiarli tapiissutitalimmik inissialiaasimappat, aningaasarsiorfittullu atorpeqarpat, soorunami tamanna pissusissamisuunngilaq, angerlarsimaffiup angerlarsimaffittut atuunna kalluarneqartussaammat.

Tamannaavorlu Naalakkersuisut atuisarnerup erseqqissaaffigineqarnissaanut siunnersuutigisimasaat.

INUIT ATAQATIGIIT INATSISARTUNI



Siunnersuummi angerlarsimaffiup, angerlarsimaffittut kallaasumik atulerneqarsimaneranut tunngasuvoq. Ilaatinneqanngitsutulli taaneqartut makkuupput.

"Unnuiffiullunilu ullaakkorsiortarfittut, gæstehjemmetut (tukkutitsivittut)imaluunniit tikeraanut ineeqqat, akunnittarfiit, vandrehjemmit, airbnb aqutigalugu sivikitsumik attartortittakkatut assigisaallu najugarfissatut aammalu aalajangersimasumik najugaqarfittut atorineqartunut ilaangillat".

Inatsimmi erseqqissaaffiginnittoqarnerani makku taaneqarput.

Angerlarsimaffik aningaasarsiorfinngortinneqarpat, angerlarsimaffiup isumaa qimallugu. Tapersiissutitalimmillu inissiaqartinneqarluni, pineqartut aaqqiissutissamik ujartuisariaqassaaq, tapiiffiqineqarnerup "utertinnissaa" eqqarsaatigalugu.

Tamaanngippat nammineerluni inuutissarsiorluni suliffeqarfigisaq, ingerlaannassapat sumiiffissamik allamik piginnittoq nassaartariaqassaaq.

Imaluunniit tapiissutaasimasup assinganik utertitsisariaqassaaq.

Pissutigalugu Inatsisartut inatsisaat malillugu, tapiissutitalimmik inissiami ineqartuugaanni, ineqarnek pineqarmat.

Tapiissutitalimmik inissialertitsinermi nunaqarfinni isorliunerusunilu, atuuttuusut nalunngilagut. Taakkulu ulluinnaat allannguuteqassanngittut uani ersarissaammi ersarissarneqarput. Namminersorfiusut mikinerusut uani eqqorneqartussaanninnerat pineqarpoq, soorlu namminersortut angerlarsimaffimmi paarsisartut eqqorneqartussaannigillat, taakkumi pisariaqartinneqarput, ilaqtariit meerartallit sulisartut eqqarsaatigalugit.

INUIT ATAQATIGIIT INATSIARTUNI



Ersarissaaffigineqartulli pineqartut uani inatsimmi pineqarput.

Angerlarsimaffiup angerlarsimaffittut atuunera apeqquernarsisumik, namminersortutut atornerqarpat. Tapiiffigineqarsimanikkullu inissialiaasimappat illuutigineqarpalluunniit.

Tusarniaaffigineqartuni susassaqarfiusuni, tapersiissutitalimmik inissialiortiternermut taarsigassarsititsisarneq pillugu Inatsisartut inatsisaata allangortinnissaanut siunnersuummut tapersiisimapput.

Ersarissaanermut Naalakkersuisoq Inuit Ataqatigiinniik qujaffigaarput, tamakkiisumillu taperserlugu, siullermeerneqarneranut isumaqataavugut, taamatullu isikkoqartillugu aappassaaneerneqartinnagu sanaartornermut ataatsimiisitaliamut suliassangortillugu ingerlatinneqassaaq.